

## **Tunapaswa Kushinda kama Yesu Alivyoshinda**

Hayo nimewaambieni mpate kuwa na amani ndani yangu. Ulimwenguni mnayo dhiki; lakini jipeni moyo; mimi nimeushinda ulimwengu  
**Yohana 16:33.**

Shetani alifanya mashambulizi makali kwa Yesu kuliko ambavyo atafanya juu yetu. Kulikuwa na mengi yaliyowekwa rehani kuhusiana naye, iwapo Kristo au Shetani angekuwa mshindi. Ikiwa Bwana Yesu alistahimili majaribu yake makuu mno na Shetani hakufanikiwa katika kumwongoza Yesu kutenda dhambi, alijua kwamba lazima apoteze mamlaka yake na hatimaye kuhukumiwa kwa kuangamizwa milele. Kwa hiyo Shetani alifanya kazi kwa uwezo mkubwa ili kumwongoza Yesu kufanya tendo la uovu, maana kwa kufanya hivyo angepata faida kubwa dhidi Yake.... Hauwezi kamwe kujaribiwa katika namna ya makusudi na katili hivyo kama ilivyokuwa kwa Mwokozi wetu. Shetani alikuwa njiani Mwake kila wakati.

Je! Mtu aushikilie uweza wa Mungu na kumpinga Shetani kwa makusudi na kwa ustahimilivu, kama Kristo alivyompatia kielelezo katika pambano Lake na adui katika nyika ya majaribu? Mungu hatamwoko a mtu kutoka kwenye nguvu za hila za shetani kinyume na mapenzi yake. Lazima mtu afanye kazi kwa nguvu zake za kibinadamu, akisaidiwa na uweza Mtakatifu wa Yesu, ili kupinga na kushinda kwa gharama yoyote kwakwe mwenyewe. Kwa kifupi, mtu analazimika kushinda kama Kristo alivyoshinda. Na kisha, kupitia ushindi huo ambao ni fursa yake kuupata kwa jina lenye uweza wote la Yesu, anaweza kuwa mrithi wa Mungu na mrithi pamoja na Yesu Kristo. Hili lisingeweza kuwa hoja ikiwa Yesu pekee alifanya ushindaji wote. Mtu lazima afanye sehemu yake; lazima awe mshindi kwa sehemu yake, kwa njia ya uweza na neema ambayo Yesu anampatia. Lazima mtu awe mtenda-kazi pamoja na Yesu katika kazi ya kushinda na ndipo atakapokuwa mshirika pamoja na Kristo katika utukufu Wake.

Mwokozi alishinda ili kumwonesha mwanadamu jinsi ya kushinda. Yesu aliyakabili majaribu yote ya Shetani kwa Neno la Mungu. Kwa kutumainia ahadi za Mungu, anapokea nguvu ili kutii amri za Mungu na mjaribu hawezi kupata nafasi.